



Márkomeannu

*Sámi kultuvra- ja musihkkafestivála/  
Samisk kultur- og musikkfestival*

PREASSADIEÐÁHUS

Gaskavahkku miessemánu 5. b. 2010

## Musihkkaprográmma lea válmmas

**Dál lea dán jagáš Márkomeannu musihkkaprográmma válmmas. Lassin daid artisttaide geat jo leat almmuhuvvon, de bohtet Nammalahpan, Jarŋŋa ja Glesbygd'n márkogilážiid suoidnemánu loahpageažis.**

Nu ahte, Márkomeannu musihkkaprográmmas leat Máze Nieiddat, ÁRA, Sombán, Máddji, Jon Iver Eira Tellefsen, Nammalahpan, Jarŋŋa ja Glesbygd'n. Konsearttat leat eahkedis bearjadaga suoidnemánu 30. beaivvi ja lávvardaga 31. beaivvi, váldolávddis Gállogiättis.

Sihke Nammalahpan, Jarŋŋa ja Glesbygd'n leat Ruoŋa bealde Sámis eret. Rockárat Nammalahpanis leat Gárasavvonis ja Bitomis eret, ja vokalista Paul Ol Jona Utsi lea sin láidestanheargi. Dát sámi rockjoavku searvvai Sámi Grand Prixas dáid beassážiid Guovdageainnus. Jarŋŋa lea julevsámi joavku mii boahtá Johkamohkki guovllus, ja sis lea earret eará Grand Prix-oassálasti Katarina Rimpi lávlun. Ja Glesbygd'n leat ges Árviesjávrrie guovllus eret, sin lávejit gohčodit Ruoŋa stuorámuš reggea-joavkun.

Dán jagáš festiválii sáhtta Márkomeannu ovdanbuktit dušše namaid mat eai ovdal leat leamaš festivála plakáhtas!

Mii muđui dáhpáhuvvá festiválas almmuhuvvo miessemánu loahpageahčen.

### GULAHALLAN

Runar Myrnes Balto, festiválajodiheaddji, +47 977 73 778, runar@markomeannu.no  
Ellen Berit Dalbakk, nubbejodiheaddji, +47 997 96 947, ellen@markomeannu.no